


# **Diagnose Igualdade** **Compostela**

## **Proceso** **participativo**



**CONCELLO DE  
SANTIAGO**

Concellaría de Igualdade



# ÍNDICE

**1. Presentación (4)**

**2. Obxectivos (5)**

**3. Metodoloxía (5)**

**4. Plan de traballo (7)**

**5. Información e reflexións de diagnose  
xerados nos espazos de participación  
(9)**

# 1. Presentación

O presente documento recolle o informe diagnóstico respecto da realidade e condicións de vida das mulleres compostelás.

A diagnose pretende ser o marco sobre o que asentar a actuación municipal no desenvolvemento das políticas de igualdade de mulleres e homes. Por outra banda, constitúe a base de traballo que axude na definición dunha futura ferramenta para poder intervir na acción municipal en materia de xénero de maneira sistemática e programada.

No proceso de deseño do diagnóstico foi crucial a reflexión estratéxica e a dimensión participativa na identificación de problemas e necesidades das mulleres, atendo os seguintes obxectivos:

1. O acrecentamento das capacidades de análise das diferentes visións: desde as persoas responsables do deseño de políticas públicas municipais e desde as entidades sociais, como axentes dinamizadores e articuladores de dinámicas de poboación.
2. Un incremento da implicación do persoal municipal, entidades e cidadanía.
3. A activación dos saberes e capacidades contidos da base social.

Neste contexto, e coa finalidade de recoller a máxima información, elaborouse un deseño de proceso aberto e participativo á sociedade e a diferentes axentes sociais. Buscou a maior heteroxeneidade de informantes co obxecto de obter unha visión ampla da situación compostelá. Para levar a cabo este obxectivo tivéronse en conta metodoloxías de carácter cuantitativo e cualitativo.

A partir da información obtida analízase a dobre intención da diagnose dunha banda amosar a situación actual e doutra detectar as tendencias de cambio existentes coa fin de poder orientar as futuras políticas públicas para solventar as necesidades observables.

É relevante destacar que unha diagnose de igualdade é fundamentalmente unha ferramenta, un instrumento que serve para identificar necesidades e para deseñar actuacións dirixidas á superar as desigualdades persistentes entre mulleres e homes. Constituindo un plano no que recoñecer ámbitos de millora e itinerarios de intervención.

En último lugar, e entendendo coma un proceso no que contamos cunha ampla colaboración, agradecemos a implicación dos diversos axentes que directa ou indirectamente participaron.

## 2. Obxectivos

*Elaborar e contrastar o documento diagnóstico.* Achegando unha perspectiva de tendencias e escenarios e unha identificación das prioridades de cambio e actuación nas desigualdades de xénero.

*Elaborar un marco de referencia,* que permita orientar as políticas e actuacións a desenvolver e aporte elementos de racionalización e coordinación de recursos municipais no ámbito da igualdade.

*Activar sinerxías e referentes de consenso* entre as entidades sociais e o Concello, reforzando a capacidade de diálogo co tecido social e, en definitiva, a construción dun capital social para un mellor desenvolvemento das políticas de promoción da igualdade.

## 3. Metodoloxía


A diagnose sobre a igualdade de oportunidades é unha ferramenta que permite analizar a realidade da situación de homes e mulleres coa fin de detectar os desequilibrios de xénero existentes. Proporcionando información e coñecemento desa realidade. Coa información recollida preténdese amosar a situación actual e detectar as necesidades de cambio coa finalidade de orientar as futuras políticas públicas municipais. A análise dos datos permite presentar unha foto fixa do Concello de Santiago de Compostela

A importancia de incorporar o *Mainstreaming de Xénero* leva implícita a intencionalidade de dar comezo a un proceso de cambio social, implicando considerables desafíos na concepción das políticas públicas, a administración dos recursos, a participación dos axentes relevantes e tamén das relacións interpersonais.

Á hora de realizar o deseño metodolóxico para este estudo, contemplouse a necesaria complementariedade entre a perspectiva cuantitativa e cualitativa, coa fin de dar resposta aos obxectivos xerais.

Esta complementariedade permite triangular as distintas técnicas de investigación social para a obtención de resultados, así como a utilización da análise de contidos como ferramenta de integración para obtención de resultados textuais.

### Esquema metodolóxico



En calquera análise social a participación das persoas vinculadas co ámbito analizado son un elemento clave, para este fin deseñouse un proceso aberto á participación da cidadanía, coa posta en marcha de ferramentas específicas.

**Análise cuantitativo.** Análise e explotación de información estatísticos (recollido no apartado específico).

#### Análise Cualitativa

Unha ampla participación cidadán é fundamental para a realización dunha diagnose de igualdade.

- Entrevistas Individuais
- Mesas de Participación
- Encontro: Coa finalidade de dar cabida ás opinións e achegas da cidadanía, celébrase un Foro aberto á participación. Para garantir á maior asistencia posible realízase unha invitación directa a todas as asociacións e organizacións rexistradas do Concello.

No deseño da diagnose tívose en conta dous niveis de análise: unha dimensión técnica analizada polo equipo de investigación e, outra, o conxunto de reflexións xeradas nos espazos de participación.

Partindo das distintas realidades das mulleres e do conxunto de necesidades sociais vinculadas, estableceuse un primeiro mapa de axentes como paso previo para identificar ás persoas a participar no proceso, procurando os seguintes obxectivos:

- Implicar ao conxunto dos actores relevantes no ámbito da igualdade.
- Integrar ás distintas perspectivas na constitución dun consenso social que corresponsabilice aos conxunto de participantes nas políticas de promoción da igualdade.

- Asumir o deseño do diagnóstico como unha oportunidade de desenvolver unha actuación pública de integración dos colectivos sociais, e definir unha estratexia de cooperación para o futuro.
- Construír, de maneira participativa un diagnóstico, articulando de forma integrada a información científica e a xurdida nos propios espazos de participación. O traballo destes espazos foi clave para organizar o coñecemento do diagnóstico de maneira funcional.
- Debater e contrastar o documento do diagnóstico.

## 4. Plan de traballo

### Análise documental e estatística

A través de diversas fontes de información secundaria realizouse un primeiro esquema analítico sobre o contexto e realidade municipal no ámbito da igualdade.

*Fontes estatísticas secundarias.* As derivadas de organismos como o IGE ou o INE así como as publicadas polo Departamento de Estatística do Concello. A partir da análise destes materiais estableceuse un documento de partida a empregar como complemento do documento de diagnóstico final.

### Entrevistas en profundidade

Realización de contactos e *entrevistas en profundidade con entidades asociativas* presentes no municipio. O obxectivo destes contactos foi o de presentar a iniciativa recoller opinións dirixidas a enriquecer estes contidos e conseguir a implicación destas entidades.

Realización de *entrevistas con persoas* que, pola súa traxectoria social ou profesional, poderían achegar perspectivas de interese que axuden a orientar o diagnóstico. As entrevistas permitiron, así mesmo, a recollida de información e reflexións e a súa implicación no desenvolvemento do proceso de investigación.

Considéranse como prioritarios os seguintes perfís: responsables de asociacións e colectivos de mulleres, defensa da igualdade, asociacións veciñais, culturais, sanitarias, de emprego, e outras entidades de carácter sectorial que desenvolvan o seu traballo no ámbito comunitario.

Entrevistas realizadas nos meses de outubro e decembro

Nome e apelidos	Entidade/departamento
Dolores Lajos	Psicóloga do CIM

Gloria Novo	Traballadora social do CIM
Encarna Otero	Ex Concelleira de Igualdade
María Xosé Agra	Doutora en Filosofía e Profesora de Filosofía moral e política da USC
Lola Ferreiro	Profesional da saúde e docente do Posgrao de Xénero. Universidade de Vigo
Isabel Diz	Docente Facultade Ciencias Políticas da USC
Rita Ralp	Profesora titular de Socioloxía e coordinadora do Centro Interdisciplinario de Investigacións Feministas e de Estudos de Xénero (CIFEX)
Patricia Porto	Educadora social e Experta en Xénero. Promotora da Librería de Mulleres Lilith
Paula Ríos	Mulheres Nacionalistas Galegas
Pili Estévez	Plataforma Feminista Galega
José Espósito	Colectivo Micromachiños, homes pola Igualdade

## Mesas de traballo

Entendidas como nunha estratexia de ampliación da reflexión e garantir un alto grao de contraste da diagnose. Nas mesas confluíron diferentes entidades colectivos e mulleres facilitando a inclusión no debate dunha visión da situación das desigualdades en base a unha estrutura sectorial ou temática que aglutine todas as demandas dos diferentes sectores de intervención.

O obxectivo foi o de recoller e integrar no desenvolvemento global deste proxecto as súas experiencias, consideracións e melloras como un activo central para a reflexión e o contraste de propostas de actuación.



Mesa de Mulleres, emprego e relacións laborais.



## Encontro de mulleres

Conformado polos colectivos e axentes sociais e cidadanía en xeral, realizárase unha sesión participativa de cara ao contraste e deseño dun diagnóstico compartido.

O Encontro concibiuse como un espazo de diálogo onde identificar as potencialidades e os retos que Concello e entidades deben traballar para promover accións de promoción da igualdade. Entre os seus obxectivos concretos estarían os seguintes:

- Establecer un lugar de encontro para o debate e a reflexión conxunta sobre as necesidades e estratexias de promoción da igualdade
- Identificar necesidades, demandas, recursos e posibles liñas de actuación.
- Definir canles e instrumentos que favorezan a inclusión e participación e igualdade das mulleres compostelás.

O encontro tivo unha duración aproximada de 2 horas. A súa convocatoria foi aberta á participación da cidadanía, dirixíndose especialmente ao conxunto das entidades asociativas do Concello.

O traballo realizado combinou o debate en pequenos grupos e a posta en común de conclusións en plenario.

## 5. Información e reflexións de diagnose xerados nos espazos de participación

### 5.1 Entrevistas

A continuación presentamos o conxunto de reflexións e problemas identificados por parte das mulleres e entidades entrevistadas.

#### Mulleres en Compostela...

- Percíbese o abandono do ámbito rural; un espazo amplo (demográfica e territorialmente) e descoñecido para a poboación.
- A falta dunha diagnose específica non nos permite coñecer con detalle a situación da poboación e máis en concreto das mulleres.
- Escasa atención ás necesidades das mulleres no rural e grandes dificultades na mobilidade.

- Pola contra, considérase o gran potencialidade do espazo rural de Compostela, desaproveitado para o comercio local, a promoción do produto de calidade e o comercio de cercanía.
- Identifícanse poucas iniciativas de atención e coidado ao comercio de proximidade (relacionado co abandono do ámbito rural).
- Compostela ten múltiples caras e diferentes realidades; reflectíndose nas múltiples manifestacións das necesidades das mulleres compostelás.
- En xeral, percíbese certa perda do liderazgo e protagonismo da cidade de cara ao exterior como cidade referente e precursora de políticas de mellora da calidade de vida. Un dos elementos ten que ver co enfoque negativo do turismo como motor económico da cidade.
- A imaxe de Compostela non responde á dunha cidade igualitaria.
- Por exemplo non se promove a recuperación da memoria histórica das mulleres da cidade. Falta de iniciativas para por en valor a historia das mulleres da cidade.

### **Ámbito laboral e empregabilidade**

- Trasládase unha imaxe sesgada de ser Compostela unha cidade igualitaria no ámbito laboral pola gran concentración de emprego público. Pola contra son graves as desigualdades e precariedades laborais no “outro” motor económico da cidade: hostalaría e comercio, máis visibles entre as mulleres.
- A situación de recesión económica non favorece ao autoemprego e case sempre as tentativas acaban fracasando. Moitas das iniciativas de emprendemento, máis que consolidar novas vías de empregabilidade, responden a un impulso por facer algo ante as altas taxas de desemprego.
- Existe a percepción de que emprendemento está protagonizado maiormente por mulleres, un perfil, o do emprendemento feminino, que responde máis a unha vía de escape da precariedade, ou de circuitos e espazos nos que non se senten apreciadas, e de alternativa ao desemprego.
- Percíbese, en xeral, un escaso compromiso e promoción, por parte das diferentes administracións, para favorecer o emprendemento para as mulleres. Falta de información e servizos de apoio en materia de emprego dirixido a mulleres.

### **Conciliación vs Corresponsabilidade**

- Coincídese en sinalar como o termo conciliación agravou a situación das mulleres; un invento do sistema económico para poñer nome á división sexual do traballo (produtivo/reprodutivo), supoñendo que as políticas de conciliación sexan unha sobrecarga.
- O problema segue a estar no mantemento da división sexual do traballo e dos roles diferenciados, na falta de racionalización dos horarios, de diagnose sobre os usos de

tempos na cidade. Neste sentido non hai feita unha reflexión política e social sobre o tempo e os horarios da cidade.

- Outro problema ten que ver coa institucionalización da crianza e a inexistencia de medidas que favorezan o uso dos tempos para o coidado en igualdade de condicións tanto para homes como para mulleres
- As políticas de conciliación van dirixidas nunha liña e consolidan a precarización do traballo das mulleres. As mulleres no mercado laboral non deciden, elixen entre moi poucas opcións.
- Situación, pois, de partida desigualitaria; os homes teñen tempo libre entendido como tempo propio e as mulleres o tempo libre dispoñible se dilúe en tempo de dedicación a tarefas de coidados, tempo familiar. As mulleres “ceden” o seu tempo libre para as crianzas mentres que os homes non ceden tempo propio.
- Neste sentido, cóincídese en sinalar a ausencia de traballo dende o concello en favorecer a corresponsabilidade dos homes.

#### **Políticas municipais en materia de Igualdade**

- Non se visibiliza o compromiso coa igualdade, nin está presente na axenda política. Fálase de ausencia de incorporación da transversalidade da perspectiva de xénero no total das políticas municipais.
- Identifícase a necesidade de mudar a idea e a perspectiva de traballo de que igualdade é sinónimo de muller.
- O compromiso verbal e de intencións non ten correlato na praxis política. No ámbito da política o cuestionamento de xénero forma parte do discurso pero non se traduce en transformación social.
- Ausencia de formación e capacitación do persoal técnico e político do Concello en materia de xénero e igualdade de oportunidades.
- Gran carga conmemorativa dos datas sinaladas coa Igualdade, cando percíbese a necesidade de traballalas e dotalas de contido.
- A racionalización de horarios da cidade non forma parte do discurso político nin se evidencia na axenda política.
- Os sistemas de xestión e tramitacións administrativas considéranse lentos e complexos que aloxan e dificultan o acceso aos recursos.
- Ausencia de programas de acción social e educativa nos centros de ensino promovidos dende a Concellaría de Igualdade (infantil, primaria e secundaria) así como convenios coa USC para formar ao alumnado universitario.
- Pouca visibilidade e presenza das mulleres en política e constante “acompañamento” na proxección pública (en roldas de prensa, actos, presentacións, etc, sempre acompañadas de homes).
- Descoñecemento ou escasa información que se traslada á cidadanía respecto das liñas de acción en materia de igualdade. Programas, proxectos, políticas a implementar.

- No que respecta á elaboración de plans e accións para a igualdade son estandarizados e carentes de profundización e moitas das medidas en materia de igualdade son permeables e modificables.
- Ausencia de lóxica de políticas de carácter permanente ou de difícil volta atrás. Non se executan políticas con intención transformador.
- Escaso orzamento: non é unha prioridade.

### **Concellaría de Igualdade**

- Non se percibe a Concellaría de Igualdade como unha concellaría con poder e con capacidade transformadora. A área de Igualdade está dentro dunha concellaría moi ampla, quedando diluída e relegada a un segundo termo. A área de Igualdade perde o protagonismo que debería ter e sen unha concellaría forte.
- Necesidade de que a Concellaría de Igualdade teña identidade propia e actúe con autonomía para así poder actuar de xeito transversal en todas as áreas municipais (vixiar a transversalización, monitorizar a incorporación da perspectiva de xénero, implicar a todas as áreas de goberno).
- Mesmo apreciase a necesidade de contar cun instituto propio de igualdade, oficina de atención ou algún organismo que facilitara a implementación dende o punto de vista técnico-político.

### **Consello das Mulleres.**

- Considérase fundamental este espazo para dar sostén ás políticas de igualdade e á propia Concellaría. Tamén como órgano consultivo que favorece as alianzas e os pactos entre mulleres e como reforzo para as políticas públicas en materia de igualdade.
- O Consello da muller que estaba funcionando comezou o seu fin no momento en que se abriu o espazo á participación dos servizos sociais. Perda do seu carácter e contidos. Comeza a ser mixto, e as organizacións feministas e de mulleres perden autoridade ao non ser organizacións asistencialistas.

### **A Casa da Muller.**

- Reivindicación histórica do movemento feminista da cidade que nunca se veu materializado.
- Nunca houbo en Compostela un espazo específico para as organizacións feministas e colectivos de mulleres no que poder desenvolver as súas accións: reunión, participación, formación, biblioteca, actividades de lecer..
- A falta de espazo propio (Casa da Muller) dificulta moito a participación das mulleres e do mantemento do tecido asociativo feminino.
- Dificultades para acceder, polas propias características das asociacións/organizacións, aos espazos existentes: Casa das Asociacións que está pensada mais en clave de asociacionismo veciñal.

## **O Centro de Información ás Mulleres**

- considérase insuficiente o número actual de profesionais do servizo para atender ás demandas e necesidades da cidadanía. Mesmo parte das profesionais do servizo son compartidas con outras áreas municipais, e hai a necesidade de persoal técnico especializado
- Como necesidades e recursos, identifícanse a falta de instrumentos de rexistro e recollida de datos propia e a ausencia de formación interna específica en materia de xénero para o persoal do CIM (e do Concello).
- Tamén se visibiliza a pouca coordinación con outras áreas municipais para desenvolver unha intervención transversal e con perspectiva de xénero.
- Carencia de ferramentas dixitais para a información e a comunicación cara o exterior propias (non hai web/blog propio autoeditable do CIM), repercutindo na invisibilidade para a cidadanía en xeral e a escasa sinerxía co movemento feminista da cidade. Actividade descoñecida por parte do movemento feminista compostelán.
- Baixo orzamento para promover accións sociais de programas de sensibilización e educativas preventivas en materia de igualdade fora do espazo do CIM.
- Perda paulatina de servizos específicos de prevención e atención a mulleres vítimas de violencia de xénero.
- O desmantelamento paulatino por parte dos diferentes gobernos nos últimos anos levou á súa invisibilización de tal xeito que agora mesmo está carente de proxección social. En xeral é un problema político e non das profesionais dos centros de información ás mulleres.

## **Outras institucións referentes na cidade.**

- As desigualdades e o escaso compromiso institucional en materia de xénero non só se circunscribe ao ámbito municipal, outras institucións referentes na cidade carecen desta praxis. No caso da USC, aínda que foi pioneira na implantación de organismos de igualdade quedalle moito traballo por facer, trasladando moitas das súas eivas á incorporación posterior das mulleres universitarias no ámbito laboral e profesional.
- Ao tempo sinálase a falta sensibilidade e de promoción da corresponsabilidade na organización de tempos e horarios que inflúen negativamente nas dinámicas de participación e organización inclusivas e conciliadoras en igualdade. Ausencia de perspectiva de xénero no funcionamento e nos órganos de goberno.
- Claro espellismo de igualdade polas condicións laborais mais favorables do profesorado, pero non é real xa que son evidentes as desigualdades nas carreiras profesionais no entorno universitario de homes e mulleres.
- Freo importante nas carreiras das mulleres. Ate o doutoramento son mais ou menos equilibradas, pero a partir de aí van desaparecendo. A maternidade e as responsabilidades familiares coinciden co freo na carreira investigadora das mulleres

- Ao tempo, identifícanse outros aspectos como a escasa ou nula relación entre grupos de investigación en materia de xénero e o Concello mesmo a ausencia de oferta curricular para axentes de igualdade dirixido á capacitación de axentes públicos e privados no desempeño do seu labor dinamizadora no ámbito da igualdade.

### **Espazos de poder**

- Os cambios de composición, lóxica de traballo, mesmo de denominación nas Comisións Feministas por Comisións de Igualdade dentro dos organismos e dos partidos políticos, o que supuxo a desaparición das reivindicacións feministas. Dentro das comisións de igualdade caben novos axentes e colectivos que masculinizan estes espazos propios das mulleres e das súas reivindicacións.
- Perda de influencia política do feminismo dentro dos partidos tradicionais, mesmo regresión en políticas de igualdade e perda de presenza e case desaparición das mulleres en política. Ou en moitos casos en clave tradicional asumindo padróns patriarcais e machistas.
- Ao tempo, existe a percepción de que mulleres e homes non falamos do mesmo cando reclamamos a igualdade.
- É polo tanto, moi difícil facer política de xénero se non hai compromiso e non está interiorizada esa necesidade. A política segue a ser machista.
- Percepción de que a sensibilidade nas políticas de igualdade está sometida á presenza de mulleres feministas nos equipos de goberno.
- En xeral na sociedade, non se cuestiona o poder masculino dominante, non se visibilizan pasos atrás na cesión dos espazos por parte de homes e iso dificulta á participación en igualdade das mulleres.
- Moitos recelos polo medo á perda de “poder” e control das organizacións por parte dos homes.
- En política as medidas non son efectivas: as listas seguen encabezadas por homes. Mesmo a paridade é sempre en detrimento proporcional da presenza de mulleres (60% homes / 40% mulleres). Supostamente contamos con máis mecanismos igualitarios (listas cremalleira) pero non representan un cambio de modelo de participación en clave de igualdade.

### **Participación**

- En xeral pouca participación do movemento asociativo na USC e escasa visibilidade do movemento feminista. Non se observa o repunte como noutras universidades ou na sociedade en xeral, nin entre o alumnado, nin entre profesorado ou persoal técnico (militancias particulares e individuais).
- Mulleres mozas moi participativas e activas. Reacción ante os retrocesos nos espazos de toma de decisións e nos dereitos.
- A participación vese mermada pola falta de información e de transmisión da propia

historia do movemento feminista e das mulleres.

- O 7N como punto de inflexión para a participación feminista e das mulleres e visibilizou novas alianzas entre mulleres e a volta ás rúas. O feminismo volve a ser suxeito político.
- Ausencia de instrumentos que faciliten a participación cidadá. O desmantelamento dos organismos de participación, caso dos consellos sectoriais, supuxeron unha barreira á participación cidadá.

## 5.2 Mesas de traballo

En total realizáronse cinco mesas de traballo ao longo do mes de decembro:

- Mulleres, empregabilidade e ámbito laboral. Martes, 1 de decembro.
- Benestar e calidade de vida: políticas sociais, saúde e familias. Mércores, día 2 de decembro.
- Participación: empoderamento, visibilidades, políticas públicas e asociacionismo. Xoves, día 3 de decembro.
- Tempo de lecer (educación, cultura, deportes). Xoves, día 10 de decembro.
- Administración local e mainstreaming de xénero. Venres, día 11 de decembro.

A excepción da mesa do venres 11 (administración local) co persoal do Concello e que se desenvolveu en Raxoi, todas as demais celebráronse nas dependencias do CIM, no edificio de Servizos Sociais do Concello.

Nas mesas de traballo desenvolveuse unha metodoloxía común a todas elas, organizada nos seguintes tempos.

- Presentación (15 minutos)

Presentación persoas e entidades participantes na Mesa. Achegamento aos datos e explicación da xornada de traballo

- Traballo en grupos (30 minutos)

Unha vez feita unha primeira aproximación á situación das mulleres en Compostela, realizouse un traballo grupal de reflexión que nos permitiu identificar novas problemáticas. A formulación de dificultades sería de gran utilidade á hora de completar o traballo de análise cuantitativo e achegarnos outros escenarios e realidades das mulleres compostelás.

Como lóxica de traballo organizouse ás participantes en pequenos grupos onde profundizar e identificar novas problemáticas recolléndose as ideas en tarxetas, as causas asociadas e as consecuencias ou efectos que se derivan dos problemas.

- Posta en común (45 minutos)

Cada grupo expuxo as conclusións, trasladándoas ao panel onde se ordenaron e estableceron as relacións e nexos de unión.

Co obxectivo de recoller os diversos escenarios propuxéronse unha serie de preguntas sobre as que identificar os problemas:

### **Mulleres, empregabilidade e ámbito laboral**

- Identificamos algún tipo de concentración espacial e física da cidade que fai que as mulleres esteamos presentes e/ou ausentes en determinados espazos da cidade?. Responde a unha feminización laboral e/ou dificultades de acceso ao emprego en determinados sectores produtivos?.
- A mobilidade e a rede de transporte pública facilita os horarios e acceso ao emprego?.
- Os servizos e recursos municipais para a o promoción do emprego son accesibles, visibles e responden a unha visión de xénero?.
- É Compostela un concello sensible coa racionalización de horarios?.
- Identificamos redes formais ou informais de mulleres e emprego?.
- Os espazos de representación profesional e laboral contan con representación feminina nos postos directivos e de toma de decisións?. Valórase a nosa participación?.
- Son ou están visibles as mulleres do rural na dinámica laboral do concello?. Onde?. En que condicións? Identificamos dificultades engadidas?.
- Os espazos educativos formais da cidade (FP, Secundaria, USC) están orientados a que as mozas formadas poidan incorporarse ao mercado laboral local?.
- Incorporan ou non criterios de igualdade de xénero nos sistemas de selección, capacitación, promoción e avaliación do desempeño persoal as empresas da cidade?.
- Cal son os perfiles ocupacionais con maior número de demandantes de emprego (forza laboral), posúen as mulleres as cualidades e competencias requiridas por o actual mercado laboral?.
- Hai espazos e relacións de alianza entre os axentes e institucións para desenvolver unha actuación en materia laboral ou profesional en clave de xénero?. Por que?.
- Existen e coñécense iniciativas empresarias referentes en empregabilidade feminina? Reproducen modelos patriarcais ou permiten desenvolver novas relacións para a transformación social e laboral?.

### **Mesa mulleres, calidade de vida e benestar**

- Cal é a situación, as carencias e dificultades das mulleres maiores compostelás?. E a situación, carencias e dificultades das mulleres rurais?. E as mulleres migrante; interculturalidade e conexión con redes de mulleres locais. Economía sumerxida (mulleres invisibles)?.
- Violencia de Xénero: identificación das violencias cotiás que afectan á calidade de vida das mulleres na nosa cidade.



- Prostitución: Situación das mulleres en prostitución en Compostela.
- Estamos presentes as mulleres nos espazos de participación social?. Somos Invisibles no espazo público do concello?. Onde estamos e onde non?. Como estamos?.
- Racionalización de horarios: a organización dos tempos é discordante entre as necesidades reais da cidadanía e a oferta de servizos da cidade?.
- Os servizos públicos á infancia están organizados en horarios estritos ou máis ben flexibles para a coordinación cos horarios laborais e/ou necesidades das familias?. Por que?. Onde atopamos as maiores dificultades?.
- Están os servizos municipais dirixidos á conciliación das mulleres como público obxecto?. Como?.
- Que carencias identificamos respecto da formación, sensibilización, implicación do persoal sanitario e de benestar en materia de xénero e saúde das mulleres?.
- Que espazos inclusivos, que incorporen a igualdade de oportunidades, dirixidas á infancia e a mocidade hai no concello?.
- Que dificultades teñen as nais compostelás á hora de poder desenvolver unha maternidade e crianza (nas súas diferentes fases) con plena liberdade?.

#### **Mesa Mulleres e Participación: empoderamento, visibilidades, políticas públicas e asociacionismo**

- É Compostela unha cidade/concello, amable coas mulleres (mobilidade, accesibilidade, ordenación de espazos)? Cal é a imaxe que trasladamos cara fóra?.
- Identificamos lugares e espazos concretos ou perfiles con actitudes negativas asociadas na cidade á igualdade?. Onde?. Quen son?.
- Estamos presentes as mulleres nos espazos de participación social?. Somos Invisibles no espazo público do concello?. Onde estamos e onde non?. Como estamos?.
- Son ou están visibles as mulleres do rural na dinámica do concello?. Onde?. En que condicións?. Identificamos dificultades engadidas?.
- Os espazos de representación profesional contan con representación feminina nos postos directivos e de toma de decisións? Valórase a nosa participación?.
- Cal é a cultura participativa que hai na nosa cidade?. Que tipo de asociacións?. En que espazos?. Estamos presentes as mulleres?. E os grupos feministas?. Traballase con perspectiva de xénero?.
- En torno a que se organiza o movemento de mulleres en Compostela?. Que obxectivos ou retos se marca? Cal teñen que ver co ámbito do concello?.
- Hai participación de mulleres novas, onde?.
- Hai redes de mulleres: espazos para o traballo, para que, quen participa e quen queda fóra?.
- A igualdade e a perspectiva de xénero dentro do movemento asociativo. Barreiras para incluílo na práctica.
- Existen espazos de relación e traballo co concello?. Valoración.

- Espazos institucionais: Consello da Muller?. Como facer dela un espazo de participación real, dinámico e vivo?. Como se debera conformar e organizar?.

### **Mesa Mulleres e tempo de lecer**

- Ata que punto dáse unha concentración espacial e física da cidade que fai que as mulleres esteamos presentes e/ou ausentes en determinados espazos de cultura e ocio?.
- Estamos presentes as mulleres nos espazos referentes da cultura, música, deporte e ocio de Compostela?. Onde estamos e onde non?. Como estamos?.
- Son ou están visibles as mulleres do rural respecto deste ámbitos?. Onde?. En que condicións?. Identificamos dificultades engadidas?.
- Cal é a cultura participativa no tempo de lecer que hai na nosa cidade?. Nas comisións de festas?. Que tipo de asociacións?. En que espazos?. Estamos presentes as mulleres?. Que aportamos?. Traballase con perspectiva de xénero?.
- Hai redes e espazos de traballo de mulleres (formais ou informais) no sector da cultura, produción artística, deportes, etc?. Para que, quen participa e quen queda fóra?.
- Os espazos de representación profesional contan con participación de mulleres nos postos directivos e de toma de decisións?. Valórase a nosa participación?.
- En que condicións estamos presentes as mulleres nos espazos de formación para a creación cultural e artística?. Acontece o mesmo nos niveis máis profesionalizados?.
- Carencias e problemas á hora de organizar actividades e deseño de programas para as mulleres.
- Carencias e problemas nos servizos municipais, dotacións deportivas. Tempos e uso de espazos.
- Actividades educativas e extraescolareas. Cal é a oferta?. Presencia de nenas e nenos?. Responden a actividades de ocio e lecer igualitarias, transformadoras e con perspectiva de xénero?.
- E desde os Centros Socioculturais?.

### **Mesa Administración local**

- É Compostela unha cidade referente na promoción da igualdade de mulleres e homes?. Por que?.
- E como organización municipal respecto doutras administracións e organizacións presentes na cidade?. Que barreiras atopamos?.
- Como inflúe ás características do persoal municipal e as prácticas de xestión na igualdade de traballadoras e traballadores?. Situación laboral de mulleres e homes e adecuación dos perfís profesionais aos postos que desenvolven.
- Mulleres e homes recorren do mesmo xeito ás medidas para conciliación e a corresponsabilidade?
- Os procedementos e criterios de valoración do persoal inclúen o enfoque de xénero?.

- Estamos presentes as mulleres nos postos clave de xestión do Concello, e nas xefaturas de servizo?.
- Nos procedementos de contratación?.
- E nas diferentes Comisións?. Presidimos algunha?. E nos espazos de representación sindical?. Onde estamos e onde non?. Como estamos?.
- Valoración da centralidade da área municipal de igualdade?. Identifícanse redes e dinámicas colaborativas con outras departamentos e áreas?. Como?.
- Normalización da utilización de uso non sexista da linguaxe e protocolos de comunicación inclusiva non sexista. Dificultades.
- Incorporación de datos de participación de mulleres e homes nas actividades e actuacións municipal. Estatísticas. Dificultades.
- Formación. Necesidades identificadas, como formar, contidos?
- Dificultades e potencialidade do Concello para definir e desenvolver políticas con enfoque de xénero.
- Compromiso político pola igualdade. Barreiras detectadas.

### Participantes mesas de traballo

<b>Nome e apelidos</b>	<b>Entidade/departamento</b>
Sara Santos	Asociación Hostalería Compostela
Rita Sobrado Pérez	Asociación Hostalería Compostela
María Caeiro	Empresa
Cristina Doel	Catrineta, conservas artesanais
Brigida Hermida	Xerarte
Lara Barros	Sindicato Labrego Galego
Ricardo Turnes Mejuto	UXT
Lucía Freire	CIG
Mar Pernas	UGACOTA
Leticia Jorge	AESGAL
Eva Aguayo	Oficina Igualdade de Xénero USC
Elena Gómez-Segade	Federación ANPAS Compostela
Helena Noriega	Mámoa Asoc Galega Pro Lactación Materna
Xiana García Míguez	Mámoa Asoc Galega Pro Lactación Materna
Mercedes Martínez	Título persoal
Alicia Ares	Título persoal
Isabel De Andrés	Asociación de mulleres viúvas Rosalía de Castro
Carmen Lema Martínez	Asociación de mulleres viúvas Rosalía de Castro
Pastora Nieto Gómez	Asociación de mulleres viúvas Rosalía de Castro
Aroa Martínez Mosquera	ARELA, Apoio á infancia e a mocidade
Inés Fernández de Córdoba	Médicos do Mundo

Verónica García	Título persoal
Rita Ralf	USC
Ana María Balbo	AMICO, Asoc Persoas co Discapacidade
María Jesús Pérez Piñeiro	ACADAR, Mulleres con discapacidade
Helena Capera Cullell	Conas Ceives
Alejandro Quiñoa	Coordinadora Galega de ONGs
Rosa Andión Otero	Exeria Mulleres Cristiás
Bea Estévez Lorenzo	Exeria Mulleres Cristiás
Marta Febles Díaz	Ultreia, LGTBI Compostela
Mada Melendez	Vogalía Mulleres AVV A Xuntanza
Pilar Millán Costado	O Parto é Noso
Sarai Fernández	O Parto é Noso
Isabel Taboada Mougán	Colexio de Educadoras Sociais. Fiadeiras
Raquel López Fernández	Colexio de Educadoras Sociais. Fiadeiras
Verónica Álvarez	URDIME
María Jesús Lago	Santiago Futsal
Jorge Carballido	UMAD
Javier Fernández	Área Urbanismo
Maite Fernández	Atención á cidadanía
Iria Feijoo	Prensa
Dolores Lajos	CIM
Gloria Novo	CIM
Yolanda Ferro	INCOLSA
Rosa González	TUSSA
Diana Parente	Policía Local
Carmela Domínguez	Área de Persoal
Berta Rosón	Licenzas e disciplina urbanística
Belén Hernández	Consortio

A continuación presentamos as diferentes problemáticas identificadas, as causas asociadas e as consecuencias derivadas.

## Mesa de mulleres, empregabilidade e condicións laborais

### Problemas, causas e consecuencias

#### Mulleres do rural

Problema	Invisibilización e desvalorización das mulleres labregas
<b>Causas</b>	Invisibilización e desvalorización do mundo rural. Compostela é concello que vive de costas ao seu rural.
<b>Consecuencias</b>	Nos espazos de traballo e de encontro como a Praza de Abastos non se dan condicións dignas para a venda. Xornadas de traballo e horarios para a venda en condicións duras. Desprazamentos desde o rural en horarios sen servizo de transportes urbano. Falta de dereitos profesionais. Sobreexplotación e tarefas de traballo duras que afectan á saúde das mulleres. Falta de relevo xeracional.

#### Mulleres e formación

Problema	Estereotipos de xénero na escolla da formación universitaria por parte das mulleres
<b>Causas</b>	Estereotipos inculcados na infancia que continúan no ensino secundario. Ausencia ou mala adecuación das políticas ou servizos informativos e para a orientación de estudos con perspectiva de xénero.
<b>Consecuencias</b>	Limitación de posibilidades de opcións laborais.

Problema	Barreiras de acceso á oferta formativa existente. Na formación para emprender non hai mecanismos de conciliación.
<b>Causas</b>	Imposibilidade de conciliar. Falta de tempo.
<b>Consecuencias</b>	Non somos competitivas. Non estamos formadas.

#### Ámbito laboral

Problema	Só as empresas con máis de 250 persoas contratadas están obrigadas a facer un Plan de Igualdade.
<b>Causas</b>	O tecido empresarial de Compostela, na súa maior parte, é pequena e mediana empresa, polo que non ten Plans de igualdade.
<b>Consecuencias</b>	As prácticas empresariais en materia de igualdade cínguense á voluntariedade das empresas. Non se dan ou se descoñecen iniciativas de boas prácticas e experiencias en igualdade no sector empresarial local.

Problema	En espazos concretos como o polígono industrial non se aprecia a igualdade de xénero.
<b>Causas</b>	Desigual presenza de xénero nas distintas actividades económicas.
<b>Consecuencias</b>	Perpetúase a segregación de xénero entre sectores.

<b>Problema</b>	Maioría de homes nos postos directivos (maioría para falar e minoría para traballar)
<b>Causas</b>	Sometidas a máis xuízo. Desgaste emocional e físico. Sentimento de culpa no ámbito familiar, en relación ás responsabilidades familiares.
<b>Consecuencias</b>	Sobrecarga de traballo. Toma de decisións sen ter en conta ás mulleres.

<b>Problema</b>	Nos ámbitos de representación profesional e laboral hai dificultades para poñer en valor ás mulleres e as súas capacidades de incidencia.
<b>Causas</b>	Cando hai presenza feminina, están moi condicionadas ao modelo patriarcal das asociacións.
<b>Consecuencias</b>	Instálanse certos medos e precaucións á hora de participar, desaproveitando o noso potencial transformador.

### Conciliación vs corresponsabilidade

<b>Problema</b>	Dificultade ou imposibilidade para conciliar a vida laboral e familiar.
<b>Causas</b>	Compostela é unha cidade orientada ao turismo nos servizos e produtos que oferta, condicionando os horarios de sector hostaleiro. O mesmo acontece por ser unha cidade universitaria e orientada ao ocio. Non hai racionalización de horarios. Sectores con peso no emprego, como o turismo ou o comercio, teñen horarios moi complicados para a conciliación.
<b>Consecuencias</b>	As mulleres destes sectores ven agravado a posibilidade de conciliar a vida persoal, laboral e familiar.

<b>Problema</b>	O modelo de conciliación non axuda (necesidade de traballar sobre a corresponsabilidade)
<b>Causas</b>	Ausencia de axudas para conciliar e equilibrar as responsabilidades. Falta de asesoramento e mala orientación das políticas neste ámbito.
<b>Consecuencias</b>	Prodúcese a necesidade dunha dedicación exclusiva: ou persoal e familiar ou laboral.

### Emprender

<b>Problema</b>	Falta de visibilidade de proxectos de emprendemento feminino.
<b>Causas</b>	Falta de autoestima ligada ao emprendemento, de consideralo algo positivo.
<b>Consecuencias</b>	Retráese a iniciativa empresarial. Falta de referencias.

<b>Problema</b>	Falta de espazos relacionais para intercambio no emprendemento
<b>Causas</b>	Pouca visibilidade de mulleres emprendedoras ou empresarias. Descoñecemento da nosa participación nas iniciativas emprendedoras.
<b>Consecuencias</b>	Non se trasladan, nin aprendemos doutras experiencias, das formas de facer, experiencias e coñecementos.



Momento de traballo grupal da Mesa de emprego

## Mesa mulleres, benestar e calidade de vida

### Problemas, causas e consecuencias

#### Saúde e xénero

Problema	Androcentrismo na Saúde
<b>Causas</b>	Non atender, desde a comunidade médica, aos aspectos de sexo como un elemento diferenciador é clave nas doenzas e enfermidades das mulleres. Concentración na área de Compostela de profesionais da saúde maiores e con prácticas pouco aperturistas.
<b>Consecuencias</b>	Invisibilidade dos problemas patolóxicos propios e diferenciais das mulleres. Hipermedicalización e hiperdiagnose Ausencia de protocolos específicos das doenzas das mulleres “Ser muller e acudir ao médico é un factor de risco”

Problema	Violencia obstétrica no CHUS
<b>Causas</b>	Traslado ás mulleres do embarazo como algo negativo, como un problema e mesmo visto como enfermidade. No CHUS hai prácticas de parto e coidado desaconselladas pola OMS. Infantilización da muller no embarazo.
<b>Consecuencias</b>	Aumenta cada ano as mulleres buscan parir fóra de Compostela: Salnés, Barbanza, ou mesmo na casa.

Problema	Falta de formación de profesionais da saúde sobre cuestións de saúde feminina relacionada coa crianza, como a lactancia.
<b>Causas</b>	Persoal que non se forma nin se recicla. Os profesionais non aceptan as críticas das nais.
<b>Consecuencias</b>	As mulleres temos que informar ao persoal sanitario dos nosos dereitos e dos medicamentos que podemos tomar compatibles coa lactancia.

Problema	Falta de concienciación de profesionais da saúde sobre as necesidades das familias nos ingresos hospitalarios de nenas e nenos
<b>Causas</b>	Os espazos hospitalarios están deseñados para o uso de profesionais médicos e non das familias. Non se teñen en conta ás necesidades e comodidades do coidado e o seu vínculo afectivo coas nenas e nenos. Descoñecemento ou escaso interese desde as profesionais de coidados e atención afectiva e facilitadora para as familias.
<b>Consecuencias</b>	Separación da nai e bebé no caso de ingreso da nai. Habitacións de lactantes con berce e cadeira. Non se permiten compartir camas. Os nenos e nenas son sometidos a probas médicas en soidade. Vivir os coidados hospitalarios de maneira máis gravosa para as familias, nenas e nenos.

Problema	Ausencia de recursos para interrupcións voluntarias do embarazo.
<b>Causas</b>	Comunidade médica tradicional e con posturas negativas a ditas prácticas. Privatización dos centros e do servizo
<b>Consecuencias</b>	As mulleres vense obrigadas a desprazarse a outras localidades. Imposibilidade de exercer os dereitos sexuais e reproductivos das mulleres, e de exercelos en igualdade de condicións

Problema	Barreiras administrativas impiden o acceso ao sistema público de saúde de mulleres inmigrantes / emigrantes.
<b>Causas</b>	Ausencia dun sistema ou criterios de actuación e estándares públicos clarificadores.
<b>Consecuencias</b>	Acceso ás mulleres aos servizos médicos non segue ningún criterio. Os centros de saúde facilitan ou non os servizos de forma aleatoria. A obtención da tarxeta sanitaria depende da posibilidade de empadramento. O empadramento é competencia municipal, a posibilidade de empadroarse nos concellos atende a decisións políticas. A nova normativa deixa sen tarxeta sanitaria tamén as migrantes retornadas

### Mulleres maiores

Problema	Preocupación polos coidados do futuro.
<b>Causas</b>	Pensións de viuvez escasas. Poucas residencias de baixo custo na zona de Compostela.
<b>Consecuencias</b>	Falta de acceso a residencias, por cuestións económicas. Soidade na vida das mulleres.

Problema	Soidade das mulleres maiores
<b>Causas</b>	Falta de axudas ás asociacións para a realización de actividades.
<b>Consecuencias</b>	Maior dificultade para desenvolver actividades dirixidas ás mulleres e ter espazos de encontro entre elas.





Mesa de Mulleres, benestar e calidade de vida. Grupo de traballo

### Mulleres e familias

<b>Problema</b>	Falta de recursos para apoio e intervención familiar.
<b>Causas</b>	Falta de sensibilización e implicación práctica.
<b>Consecuencias</b>	Non se coñecen, ou non se detectan a tempo, as necesidades das familias que precisan apoio.

<b>Problema</b>	Falta de espazos seguros e de calidade no ámbito urbano. Non están pensados para as familias.
<b>Causas</b>	Presenza habitual de vehículos nos espazos dedicados a zonas peonís. Escasa tolerancia da xente e de certos establecementos cara as nenas e nenos. A infancia é considerada cidadanía de segunda sen dereitos.
<b>Consecuencias</b>	Nenas e nenos que non aprenden a vivir en sociedade. Nenas e nenos que descoñecen a cidade e a relacionarse con ela. Infancia limitada aos parques infantís e a determinados espazos de ocio infantil. Nais e pais obrigadas a escoller entre atender ás súas fillas e fillos ou participar na vida da sociedade.

<b>Problema</b>	Soidade das familias. Moitas familias non teñen rede de apoio.
<b>Causas</b>	Unha boa parte da poboación que vive en Compostela é procedente doutros concellos e zonas de Galicia. Os vínculos e apoio familiar non están na cidade.
<b>Consecuencias</b>	Non hai rede de apoio familiar para o coidado de fillas e fillos. Necesidade de maiores recursos para o coidado. Sobrecarga dos coidados e das políticas de conciliación sobre as mulleres Institucionalización da crianza

Problema	Ausencia de parques ou espazos lúdicos cubertos dirixidos e deseñado para as familias
<b>Causas</b>	Falta de planificación e coñecemento das demandas, de coñecemento da contorna e ausencia de perspectiva pública. Falta de previsión e sentido común (En Compostela que chove tanto, non se dispón dun parque cuberto).
<b>Consecuencias</b>	Sedentarismo. O tempo de lecer das familias sempre en clave de parque infantil e non se cubre a necesidade de espazos diversos para socializar.

Problema	Descoñecemento dos locais ou centros socio-culturais nos barrios.
<b>Causas</b>	Falta de medios económicos para desenvolver máis actividades. Descoñecemento desde a cidadanía dos recursos municipais.
<b>Consecuencias</b>	Lecer pasivo en detrimento das relacións sociais (“centros comerciais”).

Problema	Non se dá valor aos coidados reprodutivos nin hai recoñecemento á muller como coidadora.
<b>Causas</b>	A división tradicional dos roles produtivos e reprodutivos. Os coidados reprodutivos como algo propio das mulleres.
<b>Consecuencias</b>	Alonxan as mulleres do ámbito laboral. Os coidados como handicap para as mulleres na volta ao emprego despois da maternidade. Perda do potencial de habilidades e destrezas das mulleres para a sociedade no seu conxunto.

#### Mulleres e inclusión social

Problema	Illamento da muller no rural.
<b>Causas</b>	Maior desprotección e desigualdades das mulleres no rural. Centralización dos servizos no entorno urbano. Alonxamento dos espazos de convivencia social.
<b>Consecuencias</b>	Non existe unha política municipal que incorpore a descentralización de determinados servizos e mellore a súa calidade de vida. Especial vulnerabilidade das mulleres do rural. Especialmente as mulleres maiores. Abandono, soidade, situacións invisibles de violencias e necesidades de atención.

Problema	Invisibilización do colectivo de mulleres ciganas
<b>Causas</b>	A estandarización da atención ao colectivo cigano.
<b>Consecuencias</b>	As necesidades específicas das mulleres ciganas están desprotexidas Non se atenden as cuestións propias.

Problema	Vulnerabilidade das mulleres sen fogar (pensións e hostais de baixa calidade)
<b>Causas</b>	Maior desprotección do colectivo non so de persoas sen fogar, se non tamén das situacións de infrafogares.
<b>Consecuencias</b>	Calidade de vida mermada. Grandes afectacións con criterios de saúde.

<b>Problema</b>	<b>Explotación das traballadoras domésticas.</b>
<b>Causas</b>	Invisibilización do colectivo.
<b>Consecuencias</b>	Feminización da pobreza. Concentración de mulleres migrantes en situación de vulnerabilidade socio económica.

<b>Problema</b>	<b>Forte asimilación cultural do colectivo migrante, que non se corresponde coa integración real.</b>
<b>Causas</b>	Ausencia de integración real e de políticas públicas de integración dos colectivos de persoas inmigrantes.
<b>Consecuencias</b>	Nos centros educativos comezan a detectarse problemáticas de convivencia, xenofobia e racismo.

<b>Problema</b>	<b>Prostitución. Invisibilización e descoñecemento da problemática.</b>
<b>Causas</b>	Mulleres vulnerables; crise económica, ausencia de políticas alternativas e decididas. Falsa normalización social.
<b>Consecuencias</b>	Invisibilización da realidade. Creación dun imaxinario social entornado ao exercicio da prostitución. Na poboación un imaxinario que non se corresponde coas diferentes dimensións da prostitución. Repunte dos casos de mulleres autóctonas (galegas) que se dedican á prostitución.

<b>Problema</b>	<b>Falta de recursos para a transexualidade.</b>
<b>Causas</b>	Non se considera un problema. Descoñecemento e ignorancia.
<b>Consecuencias</b>	Segue sen atenderse ás demandas do colectivo. Menos dereitos.

<b>Problema</b>	<b>Rixidez e excesiva burocracia para acceder a determinados servizos sociais ou públicos (leis aplicadas de forma tan estrita que resultan inxustas)</b>
<b>Causas</b>	Mala xestión ou interpretación por parte das persoas responsables.
<b>Consecuencias</b>	Perda de oportunidades para acceder a certos servizos e axudas.

### Políticas municipais

<b>Problema</b>	<b>Ausencia tradicional de políticas municipais en clave de xénero</b>
<b>Causas</b>	Non se identifican as desigualdades como un político de primeira orde. Falta de vontade política para a incorporación do enfoque transversal de xénero (recursos, espazos, organigrama, formación e capacitación...).
<b>Consecuencias</b>	Ausencia dunha Consellería propia, e a área de Igualdade relegada a un segundo plano de acción. Ausencia de espazos propios municipais dirixidos ás mulleres: Casa de Acollida, Casa da Muller, Consello das Mulleres.

<b>Problema</b>	<b>Ausencia dunha Concellería da Muller específica</b>
<b>Causas</b>	Non se considera un problema político e social.
<b>Consecuencias</b>	Queda relegada e confundida con outras Concellerías. Escasa capacidade e liderazgo municipal para desenvolver unha acción pública decidida cara a igualdade.

## Mesa mulleres e tempo de lecer

### Problemas, causas e consecuencias

#### Mulleres e deporte

Problema	Invisibilización do deporte feminino
Causas	Falta de fomento do deporte de base en igualdade. División estereotipada dos espazos deportivos. Ausencia de subvencións propias. Inexistencia de campañas de promoción do deporte feminino na cidade.
Consecuencias	Dobre discriminación por ser mulleres no deporte e por ser deporte minoritario Feminización das disciplinas. Ausencia de relevo de deportistas. Escasa oferta deportiva e descoñecemento de actividades e posibilidades por parte das nenas e mozas.

Problema	Ausencia de mulleres das actividades e eventos deportivos
Causas	Estereotipos de xénero. Falta de corresponsabilidade: menor tempo para o ocio e coidado persoal.
Consecuencias	Invisibilidade. Pouca presenza nos espazos de entrenamiento e de práctica deportiva. Falta de recoñecemento Discriminación no recoñecemento de logros acadados.

Problema	Inexistencia de redes de mulleres deportistas
Causas	Falta de apoio por parte das institucións públicas Falta de recursos e espazos propios Escaso apoio e falta de promoción do deporte feminino dende a institución municipal.
Consecuencias	Inexistencia dunha rede de deportistas que podan traballar conxuntamente Falta de coñecemento das reivindicacións das diferentes disciplinas. Falta de artellamento colectivo das necesidades. Cada unha traballa dende o seu espazo; iniciativas autónomas. Descoñecemento doutras actuacións

#### Modelos de ocio

Problema	O formato de ocio en Compostela está dirixido á nocturnidade
Causas	Santiago de Compostela tradicionalmente ofrece un ocio vinculado coa noite e o sector da hostalaría nocturna.
Consecuencias	Produto cultural dirixido a persoas con capacidade económica e sen responsabilidades familiares. Moitos sectores de poboación fora da actividade cultural por falta de recursos económicos ou tempos/horarios. As mulleres con responsabilidades familiares teñen menor posibilidade de participación neses espazos culturais.

Problema	As mulleres ocupan os espazos de ocio familiar
Causas	Estereotipos de xénero. Falta de corresponsabilidade. Maior responsabilidade do tempo de ocio e familiar por parte das mulleres. Maior interese e motivación polas actividades culturais e artísticas no acompañamento familiar.
Consecuencias	O ocio das mulleres-naís identifícase co ocio familiar.

Ausencia de tempo para o tempo de lecer persoal.  
 Reprodución nas nenas e nenos de división de espazos e responsabilidades de nais e pais.  
 Nais vinculadas a determinados espazos de actividades para as fillas e fillos (máis lúdicos e culturais) e pais a espazos deportivos.

### Profesións e espazos masculinizados

<b>Problema</b>	<b>Mantemento dos roles e estereotipos diferencias nas novas manifestacións artísticas</b>
<b>Causas</b>	A socialización diferenciada de mozas e mozos. O Valor social diferenciado e a ocupación do espazo público.
<b>Consecuencias</b>	Nas novas manifestacións artísticas de arte urbano segue a reproducirse a desigualdade entre mulleres e homes. Así nesta crecente arte/cultura hai unha presenza maior e mais importante de mozos fronte a mozas.

<b>Problema</b>	<b>Mantemento das desigualdades no ámbito cultural da música e baile tradicional</b>
<b>Causas</b>	Forte incidencia do machismo tradicional dentro do baile. A tradición cultural é eminentemente machista e vese reflectido na música e no baile tradicional.
<b>Consecuencias</b>	Maior participación de mulleres pero os cargos de representación e toma de decisión ocupados por homes. Aínda que se rompen cos estereotipos segue habendo segregación horizontal na música: pandeireteiras, gaiteiros... mantemento de roles e estereotipos. Escasa representación rupturista. A pesar de haber maior presenza feminina nos corpos de baile tradicional sempre hai prioridade dos homes (ex: nas foliadas que hai mais mulleres sempre se espera que sexa o home quen comece os puntos).

### Política municipal

<b>Problema</b>	<b>Falta de sensibilización social coa igualdade na cultura</b>
<b>Causas</b>	As desigualdades de base da sociedade. Ausencia de sensibilización sobre os usos dos espazos e o tempo de lecer en igualdade. Ausencia de normalización e incentivos para favorecer a participación en igualdade.
<b>Consecuencias</b>	Constante loita por ter os mesmos dereitos. Retrocesos constantes e volta a comezar.

<b>Problema</b>	<b>Despreocupación a nivel institucional do deporte feminino</b>
<b>Causas</b>	Carencia de políticas de igualdade no deporte. Falta apoio por parte das institucións aos equipos de mulleres. Falta de información sobre a oferta deportiva (seccións femininas) no municipio.
<b>Consecuencias</b>	Ausencia de Subvencións propias, non están previstas nin se contemplan(nalgunha ocasión fórmulanse cambios de titularidade de Sociedade Deportiva a Asociación de mulleres en x deporte para poder optar ás subvencións da área de igualdade). Inexistencia de deporte de base municipal. Dificultades para o acceso aos espazos e servizos municipais deportivos (horarios, tempos, usos...).

**Mesa mulleres e participación:  
empoderamento, visibilidades, políticas públicas e asociacionismo.  
Problemas, causas e consecuencias**

**Onde estamos e onde non**

<b>Problema</b>	Escasa participación das mulleres a nivel de estruturas e organizacións políticas (que responde á estrutura patriarcal).
<b>Causas</b>	Falta de perspectiva de xénero nas dinámicas de traballo.
<b>Consecuencias</b>	Traslado ou creación de espazos alternativos. Saída dos espazos de toma de decisións tradicionais e formais por outros máis dinámicos.

<b>Problema</b>	Invisibilidade da muller no ámbito da participación, especialmente a nivel de cargos e de poder.
<b>Causas</b>	As dinámicas nos espazos de participación seguen respondendo a dinámicas de patriarcado. Socialización cara a adopción de roles de xénero. Invasión do espazo polos varóns. Eliximos outras dinámicas de participación que nos levan a outros espazos alternativos. Leis e normativas (Lei mordaza) que dificultan a participación cidadá.
<b>Consecuencias</b>	Espazos máis alternativos, que provocan tamén que non existan referentes visibles. Abandono e desafección dos espazos institucionais. Falta dunha política común.

<b>Problema</b>	Participación desigual en función do tipo de asociacións.
<b>Causas</b>	Intereses distintos. Roles de xénero tradicionais.
<b>Consecuencias</b>	Feminización e masculinización por ámbitos: mulleres en asociacións de coidado e apoio e homes en asociacións profesionais.

<b>Problema</b>	As mulleres están infrarrepresentadas nos espazos de representación profesional.
<b>Causas</b>	Reproducción de roles patriarcais e tradicionais. Maior esixencia ás mulleres que ostentan cargos de representación e cargos públicos. Imposibilidade de conciliar cargos de representación co traballo reprodutivo.
<b>Consecuencias</b>	Menor participación en órganos de decisión. Papel da muller relegado a tarefas técnico-administrativas, de menor recoñecemento social. Invisibilización da muller en espazos públicos. Maior cuestionamento e esixencia ás mulleres que aos homes, no ámbito público.

### Empoderase

<b>Problema</b>	Falta de empoderamento.
<b>Causas</b>	O sistema educativo deixa de lado o traballo en igualdade.. Roles de xénero moi presentes. Autoestima baixa.
<b>Consecuencias</b>	A cabeza visible sempre é masculina. As mulleres quedan en segundo plano. Sobrecarga de traballo.

### Rexeneración asociativa

<b>Problema</b>	Falta de participación de mulleres novas en asociacións tradicionais, así como as veciñais e reivindicativas.
<b>Causas</b>	Novos focos de interese e loita social. Desprestixio das asociacións. Primacía dos intereses individuais. Falta de vinculación co colectivo.
<b>Consecuencias</b>	Creación de novas asociacións. Mobilización en actuacións ou reivindicacións puntuais. Participación non continuada. Adaptación a novos espazos e dinámicas participativas.

<b>Problema</b>	A pesar da imaxe combativa que ten Compostela no eido asociativo, sempre estamos as mesmas e non logramos implicar a máis mulleres.
<b>Causas</b>	Hai xente que non ten un grao de implicación suficiente. Medo a dar a cara. As mulleres lesbianas e as mulleres con discapacidade participan menos por ter máis barreiras.
<b>Consecuencias</b>	Invisibilidade das mulleres. Cansazo e queime entre as que participamos, esgotadas de tirar polo carro. Se non delegan, o colectivo morre. Discursos que se repiten (dirixidos ás máis novas) e que perden o seu significado.

### Facilitar a participación

<b>Problema</b>	Falta de medios de transporte público. O transporte público existente é deficiente.
<b>Causas</b>	Falta de previsión e planificación atendendo ás necesidades das mulleres. Mala organización. Incorrecta sinalización das paradas e de horarios. Falta de uso das novas tecnoloxías; moitas mulleres non son usuarias de dispositivos móbiles.
<b>Consecuencias</b>	Dificultades para a participación. Descoñecemento dos recursos e servizos públicos.

<b>Problema</b>	Problemas de accesibilidade aos espazos de participación, e de accesibilidade en xeral.
<b>Causas</b>	Falta de concienciación política e social. Falta de recursos e espazos adaptados.
<b>Consecuencias</b>	Menor participación. Riscos para a seguridade e saúde das mulleres. Desmotivación para participar.



## Mulleres e espazos na cidade

<b>Problema</b>	Mulleres concentradas en espazos como a Praza de abastos. Locais que se identifican con movementos feministas. Os centros sociais tamén veciñais. Non podemos admitir que as profesións feminizadas sexan exclusivas, estereotipadas, e que se nos restrinja aos coidados.
<b>Causas</b>	Hai determinados roles e estereotipos que as mulleres temos interiorizados. A causa do anterior é a educación, que nos asigna eses roles. Os homes non queren ceder espazos públicos nin poder.
<b>Consecuencias</b>	Non podemos ocupar espazos públicos. Quedamos relegadas a un segundo plano e nós mesmas temos que dar un paso adiante. Medo a dicir non! Falla de sororidade, de apoiar ás que se moven.



Mesa mulleres e participación: empoderamento, visibilidades, políticas públicas e asociacionismo



Mesa mulleres e participación: empoderamento, visibilidades, políticas públicas e asociacionismo



**Redes**

<b>Problema</b>	Falta de traballo en rede, sinerxías e cooperación entre os grupos de mulleres.
<b>Causas</b>	Descoñecemento de certas iniciativas e colectivos. Queime dalgunhas experiencias en común.
<b>Consecuencias</b>	Maior invisibilidade do movemento social.

**Política municipal**

<b>Problema</b>	Non se sabe se existe o Consello da Muller ou outros espazos de traballo e participación co Concello, ben sexa porque non existen, ben porque non funcionan axeitadamente.
<b>Causas</b>	En caso de existir, falta visibilidade e participación. Se existe, non ten enfoque de traballo transversal. Non se teñen en conta as necesidades específicas das mulleres. Descoñecemento e/ou falta de seguimento por parte do Concello do que acontece en Compostela a nivel asociativo e de movemento feminista. Existencia de prexuízos, mesmo acoso e desacreditación institucional cara certos colectivos sociais.
<b>Consecuencias</b>	Non se incorpora de xeito transversal a “mirada” das mulleres e dos colectivos feministas. As políticas de participación non responden ás necesidades das mulleres.

**Mesa administración local****Problemas, causas e consecuencias****Ausencia de compromisos**

<b>Problema</b>	Compostela non é unha cidade referente na igualdade de oportunidades
<b>Causas</b>	Sociedade compostelá moi tradicional. Familias de sempre que teñen interiorizados os estereotipos de xénero.
<b>Consecuencias</b>	As políticas de igualdade desenvólvense moi lentamente e son pouco visibles. Falta dunha actitude decidida e ambiciosa desde as diferentes institucións.

<b>Problema</b>	Non se visibilizan, en xeral, as actividades e iniciativas en materia de igualdade (nin por parte do Concello nin a outros niveis)
<b>Causas</b>	Falta de sensibilidade e concienciación de xénero Non se identifica como un problema social e político.
<b>Consecuencias</b>	Discriminación das mulleres

<b>Problema</b>	Pouco peso da área de igualdade no Concello
<b>Causas</b>	Falta de preocupación e compromiso por aplicar políticas de igualdade.
<b>Consecuencias</b>	Non se involucra nin fai participe ao persoal do Concello nas diagnose e planificación para a igualdade. Non está normalizado o uso inclusivo da linguaxe. Ausencia de datos desagregados por sexo. Falta de programas de formación específica. Non se incorpora o enfoque de xénero na programación nin na planificación municipal.

### No ámbito organizativo

<b>Problema</b>	Inmovilismo dentro da administración, dificultando a aplicación da perspectiva de xénero.
<b>Causas</b>	Cadro de persoal envellecido e pouca rexeneración do persoal municipal. Conxelación da convocatoria de prazas.
<b>Consecuencias</b>	Mentalidade tradicional no funcionariado de maior idade. Ausencia de incorporación de novos modelos de xestión e de procedementos transformadores dentro da administración. Maiores inercias a salvar para aplicación da transversalidade de xénero.

<b>Problema</b>	Non se aplican políticas de igualdade nin nos procesos de contratación nin nos de selección de persoal
<b>Causas</b>	Non é unha prioridade desde a política de xestión de persoal nin organizativa do Concello.
<b>Consecuencias</b>	Menor número de mulleres que de homes en postos clave e de responsabilidade.. Nos espazos de traballo para a planificación, compostos por cargos de direccións ou xefaturas, hai menor presenza de mulleres. Poucas posibilidades para as mulleres de trasladar hábitos e formas de facer transformadores

<b>Problema</b>	Falta de aplicación de medidas igualitarias dirixidas ao persoal.
<b>Causas</b>	Descoñecemento de datos sobre as características e condicións de traballadoras e traballadores. Non é unha prioridade para a política municipal derivado da pouca interese social.
<b>Consecuencias</b>	Mantense o papel secundario das mulleres. Pouca presenza nas xefaturas de servizos e postos clave.

<b>Problema</b>	Uso sexista da linguaxe aplicado centralmente na denominación de cargos e responsabilidades
<b>Causas</b>	Inercias instaladas. Falta de interese por mudar certas expresións e denominacións.
<b>Consecuencias</b>	Falta de visibilización de mulleres que asumen cargos de responsabilidade. Traslado dunha imaxe machista cara a cidadanía. Malestar e contestación por parte das mulleres que desenvolven ditos cargos e que non se lles recoñece.

### Descoñecemento e falta de ferramentas

<b>Problema</b>	Non se dispón de ferramentas para integrar a perspectiva de xénero na planificación política e técnica.
<b>Causas</b>	Non existe hábito. Hai áreas nas que pode resultar difícil ou considérase que non hai espazo para a aplicación da perspectiva de xénero. Falta de formación. Non se percibe a necesidade.
<b>Consecuencias</b>	Ausencia de programas, actividades e, en xeral, dunha planificación integradora que responda ás necesidades e demandas das mulleres.



Mesa de administración local en Raxoi.

### 5.3 Encontro de mulleres

Deseñada como unha xornada de carácter participativa, o encontro celebrouse o xoves 17 de decembro no edificio da Casa das Asociacións de Benestar Social (CABES). O Encontro resultou un espazo relacional para os colectivos e entidades onde continuaron co traballo iniciado nas mesas temáticas na identificación de problemáticas ou barreiras que impiden o pleno desenvolvemento en igualdade de oportunidades das mulleres en Compostela.

#### Plan de traballo

**Recepción de persoas asistentes** *[duración aproximada: 10 minutos]*

Momento de inscrición e entrega de documentación.

**Presentación do Encontro** *[duración aproximada: 10 minutos]*

Presentación Concelleira de Igualdade, Marta Lois.

Obxectivos do Encontro. Explicación do proceso de elaboración da diagnose. (Equipo técnico).

**Breve presentación do traballo das mesas.** *[duración aproximada: 10 minutos]*

Presentación das diagnose e problemas identificados nas mesas de traballo celebradas.

**Traballo en grupos** *[duración aproximada: 40 minutos]*

Debate e Identificación de novos problemas, detalles e valoracións sobre as problemáticas identificadas nas mesas.

**Posta en común do traballo en grupos.** *[duración aproximada: 40 minutos]*

Empregaremos un panel para ordenar a ordenar a información. Priorización de problemas. Cada participante poderá priorizar as problemáticas, segundo os seguintes criterios:

- cinco gomets vermellos identificando aqueles problemas sobre os que o Concello ten maior capacidade de intervención.
- cinco gomets azuis identificando os cinco problemas prioritarios pola súa capacidade de incidencia na eliminación de desigualdades de xénero

### Participantes no Encontro.

Nome e apelidos	Entidade/departamento
Mar Pernas	UGACOTA
Leticia Jorge	AESGAL
Eva Aguayo	Oficina Igualdade de Xénero USC
Elena Gómez-Segade	Federación ANPAS Compostela
Xiana García Míguez	Mámoa Asoc Galega Pro Lactación Materna
Isabel De Andrés	Asociación de mulleres viudas Rosalía de Castro
Carmen Lema Martínez	Asociación de mulleres viudas Rosalía de Castro
Pastora Nieto Gómez	Asociación de mulleres viudas Rosalía de Castro
Mila Budiño Gasamáns	ARELA, Apoio á infancia e a mocidade
María Jesús Pérez Piñeiro	ACADAR
Mirta Pulleiro	AMICO
Rosa Andión Otero	Exeria Mulleres Cristiás
Bea Estévez Lorenzo	Exeria Mulleres Cristiás
Mada Melendez	Vogalía Mulleres AVV A Xuntanza
Isabel Taboada Mougán	Colexio de Educadoras Sociais. Fiadeiras
Raquel López Fernández	Colexio de Educadoras Sociais. Fiadeiras
Emi Candal	URDIME
Amalia Álvarez Vega	INTERED
Mónica Rodríguez Ponte	UXT
Paula Ríos	Mulheres Nacionalistas
Pili Estévez	Plataforma Feminista Galega
Dolores Lajos Castaño	CIM
Gloria Novo	CIM
Teresa Furelos	Área de Acción Social



Momento de presentación do Encontro de Mulleres.

### Conclusión do Encontro:

Identifícase un problema transversal a todas as mesas

<b>Problema</b>	<b>Falta de accesibilidade e existencia de barreiras arquitectónicas</b>
<b>Causas</b>	Falta de sensibilización Incumprimento da normativa
<b>Consecuencias</b>	Illamento Discriminación

No que respecta a novas problemáticas a incorporar por cada unhas das áreas traballadas:

### **Mesa de mulleres, empregabilidade e condicións laborais**

#### **Problemas, causas e consecuencias**

Respecto ao problema identificado de *Estereotipos de xénero na escolla da formación universitaria por parte das mulleres* matízase a necesidade de ampliar a outros niveis formativos como é o caso da Formación Profesional, e recollendo novas causas e consecuencias:

<b>Problema</b>	<b>Estereotipos de xénero na escolla da formación (nos ciclos formativos e no ámbito universitario)</b>
<b>Causas</b>	Estereotipos mo proceso de socialización. Estereotipos inculcados na infancia que continúan no ensino secundario. Ausencia ou mala adecuación das políticas ou servizos informativos e para a orientación de estudos con perspectiva de xénero.
<b>Consecuencias</b>	Limitación de posibilidades de opcións e posibilidades laborais. Maior presenza en traballos precarios.

Ao tempo identifícanse novos problemas:

<b>Problema</b>	<b>Renuncia á conciliación e perda de dereitos laborais</b>
<b>Causas</b>	A crise, a ausencia de emprego ou as condicións de precariedade laboral e necesidades económicas que fai que moitas mulleres renuncien ao seu tempo persoal e familiar (tanto emprendedoras como asalariadas)

<b>Consecuencias</b>	Empeoramento da súa calidade de vida.
<b>Problema</b>	Falta de sensibilización da racionalización de horarios
<b>Causas</b>	Baixa eficiencia e rendibilidade laboral. mercado laboral agresivo e economicista.
<b>Consecuencias</b>	Dificultades para a conciliación da vida persoal e familiar. Fomento de ocio consumista. Barreiras á participación en espazos creativos, de mellora persoal e á formación.

<b>Problema</b>	Brecha salarial das mulleres
<b>Causas</b>	Falta de corresponsabilidade. Discriminación nos complementos retributivos. Segregación horizontal e vertical, etc.
<b>Consecuencias</b>	Maiores dificultades para a independencia económica das mulleres coas consecuencias que supón e as desigualdades que xera.

<b>Problema</b>	Situación precaria e indigna das mulleres na Praza de Abastos
<b>Causas</b>	Mulleres como reclamo para o turismo Diferenzas nos criterios para a venda de produtos na Praza. Falta de formación e autoestima Ausencia de estruturas de abrigo para a venda
<b>Consecuencias</b>	Indignidade das súas condicións de vida e emprego Problemas na saúde



Momento de presentación do Encontro. Casa das Asociacións de Benestar (CABES)



## Mesa mulleres, benestar e calidade de vida

### Problemas, causas e consecuencias

Respecto ao problema identificado *Soidade das mulleres*, achéganse algunha matización, quedando recollido con esta nova redacción:

Problema	Desatención das mulleres que viven soas
<b>Causas</b>	Políticas sociais a menos. Falta de axudas ás asociacións para a realización de actividades.
<b>Consecuencias</b>	Maior dificultade para desenvolver actividades dirixidas ás mulleres e ter espazos de encontro entre elas. Aumenta o número de mulleres desatendidas. Maior número de mulleres illadas socialmente Responsabilidades feminizadas.

Novos problemas que saíron:

Problema	Ausencia de programas educativos a nivel municipal para a prevención da violencia de xénero e á sensibilización desde a infancia
<b>Causas</b>	Falta de conciencia de necesidades de previr comportamentos machistas desde a infancia. Percepción de normalidade de estereotipos machistas e roles (nenos súper heroes e nenas princesas)
<b>Consecuencias</b>	Estereotipos machistas que perviven nas xeracións máis novas.

Problema	Non existen nos servizos municipais, cando menos nos de maior concentración de público, de espazos para o aleitamento
<b>Causas</b>	Espazos de espera concibidos para os homes. Falta de concienciación e recoñecemento social á lactancia materna.
<b>Consecuencias</b>	Invisibilización da lactancia materna. Baixas taxas de aleitamento. Estrés xerado a nais por mor de atender en condicións ás crianzas e resolver as xestións Incomodidades para nais lactantes e crianzas.

Problema	Falta de participación de determinados colectivos: mulleres migrantes.
<b>Causas</b>	Determinados colectivos e mulleres se non se lles invita e localiza non participan. Non teñen representación.
<b>Consecuencias</b>	Non se coñecen os seus problemas nin se ten en conta as súas opinións.

Problema	Parque de vivendas en Compostela con graves carencias para a accesibilidade e seguridade
<b>Causas</b>	Barrios antigos. Vivendas sen adaptar á mobilidade. Falta de ascensores. Construcións de baixa calidade Dificultades económicas das mulleres para adaptación e mellora das vivendas.
<b>Consecuencias</b>	Perda da calidade de vida. Illamento das persoas. Dificultades na saúde e problemas de seguridade.

Problema	Falta habilidades de xestión das emocións
<b>Causas</b>	Non hai formación e capacitación. Falta de traballo nas emocións desde a infancia.
<b>Consecuencias</b>	Maior nivel de conflitos incidencia na saúde-

### Mesa mulleres e tempo de lecer

#### Problemas, causas e consecuencias

Inclúese unha matización ao problema identificando co mantemento de desigualdades no ámbito da cultural da música e baile tradicional, ampliándoo a calquera tipo manifestación.



Espazo de traballo grupal no Encontro.

### Mesa mulleres e participación: empoderamento, visibilidades, políticas públicas e asociacionismo. Problemas, causas e consecuencias

Identifícanse os seguintes problemas:

Problema	Inexistencia de espazos específicos para a participación das mulleres: Casa das Mulleres e Consello Municipal
<b>Causas</b>	Ausencia de compromiso real coas demandas das mulleres e do seu tecido asociativo. Non se tiveron en conta as demandas formuladas. Falta de solucións políticas.
<b>Consecuencias</b>	Non existen espazos propios. Non hai canles para facer chegar as demandas ao Concello. Non se xeran novas dinámicas asociativas.



<b>Problema</b>	Falta de canles de comunicación e información que traballan no ámbito das mulleres (espazo web e directorio de entidades)
<b>Causas</b>	Non apostar por políticas reais de igualdade. Non se fomenta o traballo en rede.
<b>Consecuencias</b>	Entidades que non se coñecen entre elas. Non se xera traballo en rede. Descoñecemento de recursos.

<b>Problema</b>	Leis e normativas (Lei mordaza) que dificultan a participación cidadá.
<b>Causas</b>	Política agresiva e de persecución a colectivos cidadás.
<b>Consecuencias</b>	Dificultades para a participación e reivindicacións nos espazos públicos invisibilización. Dificultades para exercer a liberdade de expresión.

### Mesa administración local

#### Problemas, causas e consecuencias

Identifícase como problema

<b>Problema</b>	Uso sexista da linguaxe en xeral e nas relacións coa cidadanía (escrita e verbal)
<b>Causas</b>	O masculino mide todo pero non nos inclúe.
<b>Consecuencias</b>	Invisibilización da nosa presenza o que fai que non nos sintamos incluídas.

Participantes no Encontro





Momento de posta en común do traballo.

#### Resultados da priorización de problemas

<b>Problemas identificados</b>	<b>Priorización (capacidade intervir o Concello)</b>	<b>Priorización (incidencia )</b>	<b>Total</b>
<b>Transversal</b>			
Falta de accesibilidade e existencia de barreiras arquitectónicas	5	2	7
<b>Mesa mulleres, empregabilidade e condicións laborais</b>			
Invisibilización e desvalorización das mulleres labregas	1	1	2
Situación precaria e indigna das mulleres na Praza de Abastos	-	-	-
Estereotipos de xénero na escolla da formación (nos ciclos formativos e no ámbito universitario)	2	2	4

<b>Problemas identificados</b>	<b>Priorización (capacidade intervir o Concello)</b>	<b>Priorización (incidencia )</b>	<b>Total</b>
Brecha salarial das mulleres	-	2	2
Formación para emprender: barreiras de acceso á oferta formativa existente, non hai mecanismos de conciliación	-	-	-
Só as empresas con máis de 250 persoas contratadas están obrigadas a facer un Plan de Igualdade.	1	1	2
En espazos concretos como o polígono industrial non se aprecia a igualdade de xénero.	1	1	2
Maioría de homes nos postos directivos (maioría para falar e minoría para traballar).	-	3	3
Nos ámbitos de representación profesional e laboral hai dificultades para poñer en valor ás mulleres e as súas capacidades de incidencia.	-	-	-
Dificultade ou imposibilidade para conciliar a vida laboral e familiar.	-	3	3
Renuncia á conciliación e perda de dereitos laborais	-	-	-
O modelo de conciliación non axuda (necesidade de traballar sobre a corresponsabilidade)	1	4	5
Falta de sensibilización da racionalización de horarios	-	3	3
Falta de visibilidade de proxectos de emprendemento feminino	2	-	2
Falta de espazos relacionais para intercambio no emprendemento	1	-	1
<b>Mesa Mulleres, benestar e calidade de vida</b>			
Androcentrismo na Saúde	-	4	4
Violencia obstétrica no CHUS	-	-	-
Falta de formación de profesionais da saúde sobre cuestións de saúde feminina relacionada coa crianza	-	1	1
Falta de concienciación de profesionais da saúde sobre as necesidades das familias nos ingresos hospitalarios de nenas e nenos	-	-	-
Non existen nos servizos municipais, cando menos nos de maior concentración de público, de espazos para o aleitamento	-	1	1
Deseño sexista de aseos públicos e privados	1	-	1
Ausencia de recursos para interrupcións voluntarias do embarazo.	-	-	-
Barreiras administrativas impiden o acceso ao sistema público de saúde de mulleres inmigrantes/emigrantes.	-	-	-
Preocupación polos coidados do futuro.	-	1	1
Desatención das mulleres que viven soas	4	1	5
Parque de vivendas en Compostela con graves carencias para a accesibilidade e seguridade	1	-	-

<b>Problemas identificados</b>	<b>Priorización (capacidade intervir o Concello)</b>	<b>Priorización (incidencia )</b>	<b>Total</b>
Falta de recursos para apoio e intervención familiar.	1	1	2
Falta de espazos seguros e de calidade no ámbito urbano. Non están pensados para as familias.	1	1	2
Soidade das familias. Moitas familias non teñen rede de apoio.	-	-	-
Ausencia de parques ou espazos lúdicos cubertos dirixidos e deseñado para as familias	4	-	4
Descoñecemento dos locais ou centros socio-culturais nos barrios.	-	-	-
Non se dá valor aos coidados reprodutivos nin hai recoñecemento á muller como coidadora.	-	1	1
Illamento da muller no rural.	-	-	-
Invisibilización do colectivo de mulleres ciganas	-	-	-
Falta de participación de determinados colectivos: mulleres migrantes.	-	-	-
Vulnerabilidade das mulleres sen fogar (pensións e hostais de baixa calidade)	-	-	-
Explotación das traballadoras domésticas.	-	1	1
Forte asimilación cultural do colectivo migrante, que non se corresponde coa integración real.	-	1	1
Prostitución. Invisibilización e descoñecemento da problemática.	-	-	-
Falta de recursos para a transexualidade.	1	-	1
Rixidez e excesiva burocracia para acceder a determinados servizos sociais ou públicos (leis aplicadas de forma moi estrita)	1	-	1
Ausencia de programas educativos a nivel municipal para a prevención da violencia de xénero e á sensibilización desde a infancia	5	8	13
Falta habilidades de xestión das emocións	-	1	1
Ausencia tradicional de políticas municipais en clave de xénero	1	1	2
Ausencia dunha Concellería da Muller específica	7	-	7
<b>Mesa mulleres e tempo de lecer</b>			
Invisibilización do deporte feminino	1	-	1
Ausencia de mulleres das actividades e eventos deportivos	1	-	1
Inexistencia de redes de mulleres deportistas	-	-	-
O formato de ocio en Compostela está dirixido á nocturnidade	-	1	1

<b>Problemas identificados</b>	<b>Priorización (capacidade intervir o Concello)</b>	<b>Priorización (incidencia )</b>	<b>Total</b>
As mulleres ocupan os espazos de ocio familiar	-	-	-
Mantemento dos roles e estereotipos diferencias nas novas manifestacións artísticas	-	-	-
Mantemento das desigualdades no ámbito cultural da música e baile	-	1	1
Falta de sensibilización social coa igualdade na cultura	-	-	-
Despreocupación a nivel institucional do deporte feminino	-	-	-
<b>Mesa Mulleres e participación: empoderamento, visibilidades, políticas públicas e asociacionismo.</b>			
Escasa participación das mulleres a nivel de estruturas e organizacións políticas (que responde á estrutura patriarcal).	-	2	2
Leis e normativas (Lei mordaza) que dificultan a participación cidadá	1	-	1
Invisibilidade da muller no ámbito da participación, especialmente a nivel de cargos e de poder.	-	2	2
Participación desigual en función do tipo de asociacións.	-	-	-
As mulleres están infrarrepresentadas nos espazos de representación profesional.	1	-	1
Falta de empoderamento.	1	5	6
Falta de participación de mulleres novas en asociacións tradicionais, así como as veciñais e reivindicativas.	2	4	6
Falta de canles de comunicación e información que traballan no ámbito das mulleres (espazo web e directorio de entidades)	3	1	4
A pesar da imaxe combativa que ten Compostela no eido asociativo, sempre estamos as mesmas e non logramos implicar a máis mulleres.	-	-	-
Falta de medios de transporte público. O transporte público existente é deficiente.	1	-	1
Problemas de accesibilidade aos espazos de participación, e de accesibilidade en xeral.	-	1	1
Mulleres concentradas en espazos como a Praza de abastos, nos locais que se identifican con movementos feministas, mesmo nos centros sociais e veciñais.	-	-	-
Falta de traballo en rede, sinerxías e cooperación entre os grupos de mulleres.	2	1	3
Non se sabe se existe o Consello da Muller ou outros espazos de traballo e participación co Concello	-	-	-
Inexistencia de espazos específicos para a participación das mulleres: Casa das Mulleres e Consello Municipal	6	2	8
<b>Mesa administración local</b>			
Compostela non é unha cidade referente na igualdade de oportunidades	4	-	4



<b>Problemas identificados</b>	<b>Priorización (capacidade intervir o Concello)</b>	<b>Priorización (incidencia )</b>	<b>Total</b>
Compostela non é unha cidade referente na igualdade de oportunidades	4	-	4
Non se visibilizan, en xeral, as actividades e iniciativas en materia de igualdade (nin por parte do Concello nin a outros niveis)	1	2	3
Pouco peso da área de igualdade no Concello	-	1	1
Inmobilismo dentro da administración, dificultando a aplicación da perspectiva de xénero.	1	-	1
Non se aplican políticas de igualdade dirixidas ao persoal.	1	-	1
Falta de aplicación de medidas igualitarias nin nos procesos de contratación nin nos de selección de persoal	1	2	3
Uso sexista da linguaxe aplicado centralmente na denominación de cargos e responsabilidades municipais	-	1	1
Uso sexista da linguaxe en xeral e nas relacións coa cidadanía (escrita e verbal)	6	1	7
Non se dispón de ferramentas para integrar a perspectiva de xénero na planificación política e técnica.	3	1	4



Participantes no Encontro. Momento de priorización de problemas



Panel de priorización de problemas

